



DIASABRA 5 APRIL 2025

**CELEBRA 100 AÑA CU
ARUBA BANK Y PARTICIPA
DEN E “INFINITY LOGO
COMPETITION”**



WWW.SOLODIPUEBLO.COM



SOLODIPUEBLO@GMAIL.COM

FISCAL A EXIGI 1 AÑA Y MEY DI PRISON PA HOMBER CU A MANDA AUTO RIBA POLIS



CONTROL CONTRA BENDEMENTO DI VAPE NA HOBEN BAO DI 21 AÑA

ANALISIS DI PROME SIMAN DI GOBERNACION DI GABINETE EMAN-III



NA TANKI LEENDERT UN BABY DI 6 LUNA A CAY FOR DI CAMA DAL CABES Y TA SANGRANDO FOR DI SU NANISHI




TRUCK A PASA RANCA WAYA CU TA COLGA MUCHO ABAO



NA MADIKI SUSHI NA CANDELA DEN CURA A HERA PEGA CAS NA CANDELA



Diahuebs anochi a drenta informe di cu tin un candela den cura cu ta menasando un cas na Madiki, mesora a dirigi tanto polis como bomberonan na e sitio. Na yegada di e patruya a bin compronde cu aki ta



trata di poco sushi cu nan a pega na candela pero esaki a bira demasiado grandi y tabata menasa e cas. Na yegada di e bomberonan mesora nan a combati e candela y a evita e candela sigui pa e cas.

CHAUFFEUR DI UN HYUNDAI NO A TENE NA CUENTA CU UN TIKI YOBIDA AUTO TA SLIP Y COMO E NO A REGULA SU VELOCIDAD NI A MANTENE DISTANCIA A BAY DAL TRAS DI UN YARIS



Diahuebs anochi laat a drenta informe di un accidente dilanti TopFM na Santa Cruz, mesora a dirigi un patruya na e sitio. Na yegada di e patruya a bin compronde cu aki ta trata di un accidente

unda cu awa a yobe un tiki y autonan tabata slip e chauffeur di un Hyundai no a regula su velocidad ni a mantene distancia y a slip bay dal tras di e Yaris su dilanti. Afortunadamente ningun hende a resulta herida.



Ministro encarga cu Turismo & Salubridad ta anuncia cu entrante **7 april 2025** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **restaurantvergunning B** pa e parcela na **Mahuma 35, Lok 1**. E permiso aki ta concerni e.o. cuminda pa wordo consumi den e parcela. Den e periodo aki tur hende por expresa por escrito nan desacuerdo contra dunamento di e permiso menciona, dirigi na e Ministro encarga cu Turismo & Salubridad via intermediacion di Director di Departamento di Legislacion y Asunto Huridico, Schotlandstraat 53.

ACCIDENTE ORA CU UN MOTOCICLISTA A BAY PARKEER DEN AVENIDA MILIO CROES



Diahuebs merdia a drenta informe di un accidente na Avenida Milio Croes, mesora a dirigi un patruya na e sitio. Na yegada di e patruya a bin compronde cu aki ta trata di un accidente minimal unda un pick-up a pasa rasca un brommer ora cu esaki a bay parkeer. Afortunadamente e motociclista no a resulta herida.



35% OFF **25% OFF**

- ~ Tur panja pa baby, mucha, y adulto (pariba di awg. 10,-)
- ~ Tur slof y sapatu pa baby, mucha, y adulto (pariba di awg. 10,-)
- ~ Tur articulo di cushina
- ~ Tur articulo di cas
- ~ Tur cortina i palo di cortina
- ~ Tur napkin i serbete
- ~ Tur klechi cama
- ~ Tur comforter i blanket





Noticia di Corte

FISCAL A EXIGI 1 AÑA Y MEY DI PRISON PA HOMBER CU A MANDA AUTO RIBA POLIS

ORANJESTAD – Awe mainta e homber Hulandes J.P.(30)

a presenta dilanti Hues pa e caso penal cu Ministerio Publico a cuminsa contra dje. Fiscal ta haya J.P. culpabel di a manda auto riba un agente di Polis.

SOLO DI PUEBLO por a compronde cu aunke cu J.P. ta para riba cu no ta asina, Fiscal ta hay'e culpabel di a manda auto riba Polis y tabatin cantidad di droga den auto.

E acusacion cu Fiscal a presenta den Corte contra J.P. ta cu riba 17 October 2024, a purba di mata un agente di Polis cu auto, door di manda e auto riba e agente di Polis. E agente mester a bula un banda pa evita di wordo gedal. Fiscal a acusa e homber J.P. di intento di mata, intento di haci daño severo. Tambe Fiscal ta acusa J.P. di posecion di marihuana y cocaina.

MANDA AUTO RIBA POLIS

Ta asina cu J.P. ta para riba cu e no a manda auto riba e agente di Polis. Hues a bisa cu J.P. a wordo para door cu Polis a constata cu e tabata core duro. J.P. a admiti cu e tabata core duro. Na e retonde di Sero Thijshi el a wordo indica pa para. Hues a bisa cu segun e relato di Polis, e agente a para dilanti di auto y indica J.P. pa para. Segun J.P. no tabatin ningun agente di Polis, para dilanti di e auto. Hues a puntra J.P., pakico el a sigui core. Segun J.P., el a sigui core pasobra e tabatin droga cun'e. Hues a mostra cu segun e agente di Polis, e mester a bula un banda pa evita cu e auto a dal'e. J.P. a keda nenga esey.

Hues a bisa cu na Polis, J.P. a bisa cu e tabata bou influencia di droga y pesey el a actua asina. Segun J.P. no ta asina. Hues a bisa cu tabatin reconstruccion di e incidente y eynan a constata cu enberdad e agente A. tabata para dilanti di e auto y e otro agente tambe a bisa cu el a mira su colega bula un banda.

Segun J.P., e dos agentenan ta amigo y e otro no ta bay bisa cu no ta asina. Hues a mostra cu Polis a constata cu J.P. tabata core 160 km. den e Hyundai Sonata. J.P. a remarca cu e no ta kere Polis. Hues a bisa cu J.P. a para ora e agente a mostr'e pa para y despues a primi gasoline. Despues a sigui un persecusion. J.P. a bisa Hues cu el a cende e luznan hazard pa

indica cu e lo stop.

DROGA DEN AUTO

Hues a bisa cu J.P. tabatin marihuana y cocaina den e auto. Fiscal a remarca cu e droganan tabata den saconan chikito. El a puntra J.P. tocante e droga y J.P. a bisa cu e ta haci uso di su derecho di silencio. Hues a remarca cu J.P. tin carchi di castigo cu hopi caso cometi na Hulanda.

FISCAL A EXIGI 18 LUNA DI PRISON

Fiscal a bisa Hues cu e ta haya J.P. tabatin droga den auto. Polis a haya 14,75 gram di marihuana, 10 gram di hash, 8,14 gram di cocaina.

Pa loke ta e mandamento di auto riba Polis, Fiscal a mostra cu tin dos declaracion, esun di e agentenan y esun di J.P. cu ta nenga. Na opinion di Fiscal, e agente mester a bula un banda pasobra J.P. a bay cu e auto cu velocidad halto riba dje. Fiscal a mostra cu J.P. a duna declaracionnan diferente di otro y e ta haya cu mester kere loke Polis a skirbi den e relato.

Fiscal a bisa Hues cu despues cu J.P. a bisa cu e auto ta modern y tin un sistema di safety automatic cu ta para e auto si tin algo su dilanti, Polis a bay investiga y e sistema aki no ta traha y tampoco e systema di brake.

Segun Fiscal, dia 17 October 2024, J.P. a purba mata e agente di Polis cu auto. Fiscal a remarca cu na Hulanda, J.P. tin un carchi di castigo hopi largo. El a mostra cu na 2016 caba, a condena J.P. na 6 aña di prison pa intento mata. Tambe J.P. tin condena pa droga. Fiscal ta considera J.P. un residivista. Fiscal a exige 18 luna di prison pa J.P. E droga haya den auto lo wordo destrui. E celular y placa cu a confisca, lo mester wordo debolbe.

ABOGADO

Abogado mr. Hernandez a bisa cu e ta haya cu no por prueba intento di mata. El a mostra cu e agentenan di Polis a duna declaracion contradictorio y pesey mester laga nan declaracion afo. E abogado ta haya cu e declaracion di e agente, no ta cuadra cu loke realmente a sosode. El a bisa cu riba su insistencia a haci un reconstruccion y no ta manera cu Fiscal ta bisa. E abogado a bisa cu J.P. a para y ora Polis a bis'e pa bay para

un banda, el a core bay. Ningun momento e agente di Polis a para dilanti di e auto. Segun e abogado, durante reconstruccion e agente a bisa cu J.P. no a bin cu velocidad halto riba dje ora el a duna indicacion pa para. E abogado ta haya cu J.P. tabata core poco poco pa bay para unda e agente a indica pa para. Segun e abogado, e no ta haya cu e agente a bula un banda sino a hala un banda. E agente a dal e auto cu su man pa bisa J.P. pa para y e ora ey J.P. a primi gasoline y core bay.

E abogado no ta haya cu por papia di intento di mata, intento di causa herida severo. E abogado a bisa cu e sistema di seguridad, segun J.P., tabata traha. Por ta despues di e incidente esaki lo a dañ. El a menciona un sentencia di Hulanda, caminda a declara un chofer liber di intento di mata un agente y a condena e persona pa no sigui orden di Polis y a haya 11 dia di prison. Na opinion di e abogado, Fiscal no a menciona cu J.P. a nenga di sigui indicacion di Polis. E abogado a bisa cu ya caba J.P. tin 6 luna di prison. El a pidi Hues pa pone J.P. den libertad. E abogado tambe a pidi Hues pa duna castigo igual na loke J.P. a sinta caba. Hues a sera tratamiento di e caso y a bisa cu dia 25 April 2025 lo tin sentencia.

Clasificados










SOLODIPUEBLO@GMAIL.COM

CEL.585 9500




NA TANKI LEENDERT UN BABY DI 6 LUNA A CAY FOR DI CAMA DAL CABES Y TA SANGRANDO FOR DI SU NANISHI

Diahuebs atardi a drenta informe di cu un baby a cay for di cama na Tanki Leendert, mesora a dirigi un ambulans na e sitio. Na yegada di e ambulans a bin compronde cu e baby di 6 luna a cay for di un cama dal su cabes y tabata sangrando, mesora a atende e baby y a transporte cu urgencia pa hospital.

TRAFICO SIGUR UZO DI CELULAR DEN TRAFICO, UN PROBLEMA GRANDI

Nos Celebro no ta diseña pa
Multi-task, bo ta peligra bo
bida y di otronan



Expression of Interest Reconstruction of Slope at Port O'stad

Aruba Ports Authority N.V. (APA) invites interested and qualified contractors with experience in nautical and maritime projects to submit an Expression of Interest (EOI) for the purpose of determining their interest, capacity and expertise to undertake services of upcoming projects in the maritime sector. The project entails the maintenance and/or (re)construction of a slope (talud) at Port Oranjestad. The purpose of the EOI is to identify construction companies that wish to participate in a forthcoming solicitation process. This EOI does not constitute a formal solicitation for bids, nor does it obligate APA to proceed with any contractual arrangements. Any requests for proposals (RFPs) will be issued separately.

Project Overview

In general terms the project entails the reconstruction of the Slope at Basins between Quay E & F, Quay G & H and area west of Quay I.

Works include:

- The construction of steel sheet pile walls with the use of appropriate machinery and equipment to execute the tasks efficiently and safely,
- Securely install brickworks or stones behind the steel sheet pile wall (to the north) as per the design specifications,
- Proper disposal of all waste material in compliance with local safety and environmental standards.

Contractor Requirements:

To be considered, contractors must have the following qualifications:

- Proven experience in maritime construction and/or nautical-related projects and steel piling field.
- Adequate workforce and equipment capacity to handle large-scale projects.
- Compliance with all local, regional, and international maritime safety standards and environment regulations.
- Strong project management skills with a demonstrated ability to meet deadlines and budget constraints.
- Previous successful partnerships or collaborations in the maritime industry are preferred.

Submission Requirements:

Interested contractors are requested to submit the following information:

1. Company profile and history, including a summary of relevant experience.
2. Detailed list of services offered within the maritime industry.
3. Evidence of past project successes, including project descriptions, timelines, and outcomes.
4. A summary of skilled workforce, their technical capabilities, and experience.
5. Proven financial stability to handle large projects.
6. Any additional relevant documents or certifications.

Deadline for Submission:

Final date to submit all EOI responses and any inquiries is **April 11, 2025 before 10:00 a.m.**

All should be directed to: tender@arubaports.com. Subject/reference of email:

Reconstruction of Slope at Port O'stad

Submissions received after said deadline will not be considered.

Next Steps:

Upon reviewing the submissions, APA will shortlist potential contractors and reserves the right to invite them for further discussions and tender submissions based on the information provided in the EOI.

We look forward to receiving your submission and potentially collaborating on this exciting project.

Sincerely,
ARUBA PORTS AUTHORITY N.V.
April 2025



CELEBRA 100 AÑA CU ARUBA BANK Y PARTICIPA DEN E “INFINITY LOGO COMPETITION”

Oranjestad – 04 di april, 2025 - Pa celebra su 100 aña di existencia, Aruba Bank ta invita tur talento creativo pa participa den su “Infinity Logo Competition”. Esaki ta bo oportunidad pa reimagina e logo di Aruba Bank su 100 aña riba bo manera unico.

Tur participante lo forma parti di un exposicion publico. E banco lo acepta 100 participante y ta invita nos comunidad pa bishita <https://arubabank.com/Campaigns/infinity-logo-competition> pa mas

informacion y registracion. Aruba Bank ta recompensa talento, originalidad y pasion creativo cu premionan hopi atractivo te cu un maximo di Awg 5000,-. Ultimo dia pa registra ta 15 di april 2025. No warda te ultimo momento, registra awor mes pa asegura bo lugar. Por entrega e arte di bo creacion di e “Infinity Logo” te cu dia 23 di mei, 2025 na bo sucursal di preferencia. Importante pa tur participante entrega nan informacion di



contacto hunto cu e arte. Esaki ta bo oportunidad di demostra bo creatividad y celebra e 100 aña historico di Aruba Bank.

TRUCK A PASA RANCA WAYA CU TA COLGA MUCHO ABAO



Diabierna mainta a drenta informe di un incidente na Ayo, mesora a dirigi un patruya na e sitio. Na yegada di e patruya a bin compronde cu aki ta trata di un truck cu lo a pasa ranca 2 waya cu ta colga hopi abao y un di nan a kibra mientras cu e otro lo a keda riba e truck. Na yegada di ELMARNV nan a kita e waya for di e truck y a repara e situacion.



**CAMBIA PERSPECTIVA
TOCANTE OBESIDAD:
SA BO NUMBER Y MIDI
BO PESO**



Un problema serio bou di nos hobennan

CONTROL CONTRA BENDEMENTO DI VAPE NA HOBEN BAO DI 21 AÑA



MACUARIMA, ARUBA: Bao iniciativa di Polis di Bario Santa Cruz conhuntamente Polis di departamento di Permiso (SBV) y Polis Uniforma a cuminsa cu un proyecto pa cu control y concientisacion pa cu benta di vape. Mirando e situacion y problema pa cu salud bao di nos hobennan a inicia e proyecto aki.

E meta principal ta pa concientisa e comerciantenan pa loke ta trata e benta di e producto

Vape. Pa ley ta prohibi pa bende un hoben bao di 21 aña Vape. Tambe prohibi pa un hoben bao di 21 aña huma Vape

Como parti di prevencion tanto pa salud y concientisacion pa hobennan di e problema aki, departamento di Salud Publico (DVG) como tambe Fundacion Anti Droga Aruba (FADA) tambe a wordo invita pa forma parti di e accion di control aki.

Durante fin di siman a haci un control di e tema aki na algun comerciante den distrito di Santa Cruz . Polis conhuntamente cu DVG y FADA a bay diferente establecimiento y controla, informa y concientisa e comerciante kico ta e consecuencia pa bende hoben bao di 21 aña Vape.

Cada departamento a tuma e oportunidad pa splica y avisa e comerciante loke ta e parti di boet como tambe a infatisa e pakico no ta permiti bende na menor como tambe hoben bao di 21 aña di edad y cu hobennan aki tampoco no por usa Vape. E ley aki ta existi caba bao di e Ley di Tabaco (Landsverordening B e p e r k i n g Tabaksproducten).

A tuma nota cu Vape ta un tren nobo bao di e hobennan. Durante charlanan duna na diferente scolnan por a ripara cu e tematica aki ta keda bin dilanti y na unda ta encontra hobennan cu e Vape den nan poder.

KPA, DVG y FADA ta haci nan esfuerzo riba e area di prevencion pa concientisa e hobennan durante charlanan na scol kico ta e consecuencia cu Vape tin pa nan salud. Nos ta pidi mayornan pa ta atento cu boso yiunan riba e tema aki y e peliger cu Vape por causa riba nan salud tanto pa corto pero a largo plazo.



Esaki ta djis e comienso KPA cu lo bay sigi cu e controlnan aki tambe na diferente localidadnan y

areanan. Corda VAPE ta prohibi pa hobennan bao di 21 aña!

ACCIDENTE PA FALTA DI PREFERENCIA NA E CRUSADA VAN LEEUWENHOEKSTRAAT CU DE LA SALLESTRAAT



Diahuebs atardi a drenta informe di un accidente na e crusada Van Leeuwenhoekstraat cu De La Sallestraat, mesora a dirigi un patruya na e sitio. Na yegada di e patruya a bin compronde cu aki ta trata di un



accidente chikito pa falta di preferencia. Afortunadamente ningun hende a resulta herida.

E WAR ROOM A CUMINSA : UN SOLO FRENTE DEN REINO

MACUARIMA, ARUBA: MACUARIMA, ARUBA: Asina yama “War Room” ta un proyecto di strategia di Reino Hulandes a cuminsa oficialmente na nos Pais ruman Korsou bou di liderazgo di e coordinador di e Plataforma di Coordinacion di Informacion Interinsular (IICP).

Den e proyecto piloto unico aki, tur cinco Cuerpo Policial di Reino Hulandes como tambe RST, KMar y Warda Costa ta uni forza contra criminalidad transnacional.

E War Room ta funciona como un centro caminda spesialistanan di informacion y analistanan ta traha hunto durante dos siman intensivamente. Meta ta pa identifica rednan criminal cu ta opero den Reino Hulandes.

E informacion obteni ta forma e base pa intervencionnan of investigacionnan penal. E War Room ta marca un paso importante pa un colaboracion structural y duradero den e lucha contra criminalidad cu ta minando



nos sociedad.

Altocomisario Ramon Arnhem ta indica di tin hopi apresio pa e organisacion y e participantenan di e War Room. “Ta nos prioridad regional den conhuntro cu Colegio di Hefenan di Polis pa intercambia informacion na un manera eficaz den Reino.

E War Room ta un resultado bunita di esaki”. tabata palabranan di altocomisario di Polis Arnhem.

Clasificados

SOLODIPUEBLO@GMAIL.COM

CEL. 585 9500

COMITE OLIMPICO ARUBANO CU SALE NA VONDELLAAN 27

Mañan Comité Olimpico Arubano lo ta tene un tremendo uniform SALE na oficina di COA na Vondellaan 27, situa na Oranjestad.

Aki COA lo ta presente di 10:00 am te cu 6:00 pm y

tur articulo di uniform di marca TOTTO, cu sigur ta hopi popular y hopi reconoci pa tur hende den comunidad.

Durante e ultimo SALE kinan, tur uniform y demas articulo di COA di marca

TOTTO lo ta na 50% of mas di descuento, pues un oportunidad unico! Si bo ta deportista, entrenador, dirigente deportivo of kier apoya nos atletanan local cu ta destaca, bin topa nos mañan diasabra!



Marco Berlis (MEP): ANALISIS DI PROME SIMAN DI GOBERNACION DI GABINETE EMAN-III

Marco Berlis (MEP) ta presenta un analisis critico riba e prome siman di Gabinete Eman-III. Pa pueblo compronde e situacion actual, mester refleha riba e politica di AVP y Futuro 2023-2025 compara cu nan actitud den oposicion.

Tempo cu AVP tabata den oposicion, nan a existi pa Gabinete Wever-Croes cumpli cu tur exigencia di CAft durante pandemia, incluyendo e surplus. Na 2023, gobierno a logra e surplus, pero sorpresivamente AVP y Gerlien a cuminsa ataca e logro aki, tratando di demonisa loke tabata un avance importante pa Aruba - un surplus cu ta crea espacio financiero pa duna bek na pueblo y haci inversionan.

Loke ta creando disgusto y confusion den comunidad, ta cu apesar di hereda un surplus di 488 miyon florin na 2024, e gobierno nobo a dicidi di implementa varios medida di austeridad. Ora cu nan a trata e presupuesto 2025 den Parlamento, nan a presenta un nota di cambio cu ta corta drasticamente den

departamentonan cu ta duna servicio esencial na comunidad.

E contradiccionnan entre promesa y accion ta notabel:

1. E prome accion di Minister di Finanzas y Economia; A promete mehora poder di compra durante campaña, pero a hisa prijs di gas cu 30-35%.
2. A bisa cu lo yuda e homber chikito, pero a corta 6.2 miyon florin di subsidio na sector social y husticia.
3. A promete mehoracion di educacion, pero a kita 2.9 miyon for di e departamento di educacion.
4. A bisa lo reduci gasto di bureau ministerial cu 8.5 miyon, pero a elimina e plan aki

Completamente for di presupuesto 2025.

5. Despues di critica e gobierno anterior pa 7 aña riba e tema di abuso di mucha, e gobierno nobo mes a corta 3 miyon di subsidio pa fundacionnan cu ta combati abuso di mucha y salud mental.
6. A promete mehoracion di condicion di bida, pero a corta 20

miyon di FCCA, poniendo 150-

200 cas social na peliger y posiblemente causando aumento di huur.

7. Mike Eman a promete bahamento di belasting, pero a anuncia aumento di belasting pa e sector

hotelero, locual lo haci nos turismo mas costoso.

E surplus cu Gabinete Wever-Croes a logra tabata importante pa varios motibo:

- E ta facilita inversion den proyectonan di infraestructura.
- E por wordo usa pa duna diferente tipo di "toeslag" na comunidad manera energie toeslag, creche toeslag y reparatie toeslag.
- E ta yuda baha e debe nacional drasticamente y cumpli cu normanan di CAft.
- E ta demostra un maneho financiero efectivo.

- E surplus a convence Hulanda pa reconsidera e RAFT y traha riba un rijkswet nobo cu por ta






mas beneficioso pa Aruba.

E analisis aki ta sugeri cu, apesar di hereda un situacion financiero favorabel, Gabinete Eman-III a scohe pa tuma medidanan cu por tin consecucionan negativo pa pueblo, specialmente esnan mas vulnerabel. E contradiccion entre e promesanan di campaña y e accionnan tuma den e prome siman di gobernacion ta genera preocupacion y inkietud den comunidad tocante e direccion cu e gobierno nobo ta tumando.

Si pueblo desea mas informacion di e articulo aki, contact mi na cel: 560-5755 of email mi na: marcoberlis@hotmail.com / Bo sirbidor di pueblo na bo ordo semper!

Accidente cu hende herida dilanti Anytime Bar & Restaurant



Diahuebs mainta a drenta informe di un accidente cu hende herida dilanti Anytime Bar & Restaurant na Paradera, mesora a dirigi tanto polis como ambulans na e sitio. Na yegada di e prome patruya a bin compronde cu aki ta trata di un

accidente unda un Chevrolet Aveo biniendo for di e rotonde Paradera y a bay pa bira bay Rooi Afo dilanti Anytime mientras su tras tabata bini un Kia Picanto cu velocidad y sin brake a bay dal fuertemente tras di e Aveo mand'e banda robes

dal un Toyota Rav4 den banda di e wiel causando un daño basta grandi na e Rav4 den cual tabata tin un dama na estado sinta na banda. Den e Aveo mes tabata tin un dama na stuur cual tambe a resulta herida pa cual na yegada di e ambulans a pidi un

ambulans mas na e sitio. E dama chauffeur di e Kia Picanto mes tabata keha


di un poco dolor nada mas pero no tabata tin mester di ambulans.

Clasificados

SOLODIPUEBLO@GMAIL.COM
CEL. 585 9500

SOLO
Di Pueblo

Chauffeur di un Nissan March no a duna preferencia na un Honda Fit na Moko



Diahuebs mainta a drenta informe di un accidente na Moko, mesora a dirigi un patruya na e sitio. Na yegada di e patruya

a bin compronde cu aki ta trata di un accidente unda e chauffeur di un Nissan March a yega na e crusada T no a mira e

Honda Fit y a sali dilanti dje y esaki a bin dal riba dje. Afortunadamente ningun hende a resulta herida.

Nissan Cube a cuminsa bati y e auto a bay cay den rooi na Sabana Liber



Diahuebs mainta a drenta informe di un accidente na Sabana Liber, mesora a dirigi un patruya na e sitio. Na yegada di e patruya a bin compronde cu e dama chauffeur di un Nissan Cube bayendo pariba na dado momento a cuminsa

bati y e auto a desvia na man drechi bay cay den e rooi. Afortunadamente e dama chauffeur a sali sin ningun herida.

Takelwagen mester a bini y saca e auto for di den e rooi.

CHAUFFEUR A PONE SIGNLIGHT CU E TA BAY BIRA Y AUTO SALI DAL RIBA DJE Y DESPUES PIDI SORRY Y BAY FOR DI E SITIO

Diahuebs mainta a drenta informe di un accidente banda di Wema Ponton, mesora a dirigi un patruya na e sitio.

Na yegada di e patruya a bin compronde cu un Nissan March biniendo for di Oranjestad a pone signlight pa man drechi

y un pick-up subiendo e crusada biniendo for di Tanki Leendert pero e auto no a bira y e pick-up a bay dal riba e March y a dal den dje.

E chauffeur di e March a pidi sorry y a bisa cu ela cambia opinion y a sigui bay stret.



Chauffeur di un Kia Soluto no a regula su velocidad ni a mantene distancia a bay dal tras di un Mazda

Diahuebs mainta a drenta informe di un accidente riba Avenida Milio Croes, mesora a dirigi un patruya na e sitio.

Na yegada di e patruya a bin compronde cu aki


ta trata di un accidente unda cu e chauffeur di un Kia Soluto no a regula su velocidad ni a mantene distancia a bay dal tras di un Mazda su dilanti. Afortunadamente ningun hende a resulta herida.



Polis a detene chauffeur di un Toyota Mark x cu a dal un cura di un cas na Koyari

Diahuebs mainta a drenta informa di un accidente na Koyari, mesora a dirigi un patruya na e sitio.

Na yegada di e patruya a bin compronde cu e auto un Toyota Mark X cu a haci e acto aki a bandona e sitio caba. Un otro patruya cu tambe a ricibi e informe aki a logra haya e auto aki na



E.P.B. Hato y a para y detene e chauffeur.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

INTELIGENCIA DI UN MUCHA NO TA DEPENDE DI SU NOTANAN



Aunke cu nos sa cu e inteligencia di un mucha no ta depende di su notanan, manera con nos ta laga nos mes como mayor, impresionan cu e cualificacionnan!

Un excelente ta yena nos di orguyo, un onvoldoende of suspension, ta decepciona nos, manera cu e nota aki lo defini kende nos yiu ta y cualnan ta su capacidadnan.

E cualificacionnan escolar ta un forma di midi un conocimiento. Sin embargo, no ta duna cuenta di e esfuerso y e dedicacion cu e mucha a inverti den e proceso di aprendisaje. Tampoco ta demostra si efectivamente e mucha a siña algo di forma consistente. Un mucha cu un bon memoria, kisas ta obtene bon punto.

Un mucha cu un inteligencia distinto den e materia den cual e ta wordo evalua, por haya onvoldoende. Sin embargo, den e materia vincula cu su tipo di inteligencia, seguramente e lo ta exitoso.

Inteligencia di e mucha Si. Segun e psicologo y investigador Howard Gardner, den cda persona tin ocho tipo di inteligencia

of habilidadnan cognoscitivo. E teroia di inteligencianan multiple aki, ta reconoci den hopi ambito educativo.

Di acuerdo cu e planteamento di e profesor Mericano aki, no ta existi un unico inteligencia unico humano. Tin un diversidad di inteligencia, cu ta marca e potencialidad, fortaleza y debilidadnan cu cada individuo tin y cu lo marca su actuacion den distinto escenario.

E teoria di inteligencianan multiple aki, ta permiti balora, compronde y stimula e potencialidadnan di cda mucha, mas leu di loke por midi un indice di conciente intelectual.

Bo yiu tin tur e tipo di inteligencianan aki, solamente cu uno ta mas preponderante cu otro.

E inteligencia di e mucha pa matematica, por yud'e tin bon resultado. Sin embargo, no lo ta igual si e inteligencia pa linguistica of pa deporte ta mas debil. Tur esaki ta pone den evidencia e berdada cu e notanan no ta representa e inteligencia di e mucha.

E tiponan di inteligencia
Inteligencia linguistico
















E muchanan cu e tipo di inteligencia aki ta siña skirbi, lesa, conta cuenta of haci crucigrama cu suma facilidad. Su lenguahe orral ta asina bon como esun skirbi. E tin facilidad pa siña idioma.
















Inteligencia logico-matematica
Muchanan cu ta resolve cu facilidad problemanan aritmetico, problemanan di logica-matematica, weganan di strategia y experimento. Na esunnan cu e tipo di inteligencia aki ta resulta nan hopi facil resolve pruebanan di conciente intelectual.

Inteligencia visual y espacial
Muchanan cu gusta dedica nan tempo liber pa pinta, gusta resolve puzel of ta prefera weganan di construccion, tin e tipo di inteligencia aki. Nan ta pensa den imagen y dibuho.

Inteligencia musical
Ta muchanan cu ta disfruta, siña y aprecia e cancionnan y musica. Nan ta identifica cu facilidad sonidonan. Nan tin e facilidad pa siña toca un instrumento musical.

Inteligencia corporal cinestesico

<div></div> <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com</div> <div>Resultado: Sorteo di Merdia - April 04, 2025</div>		
<div></div> <div>Sorteo # 4584</div> <div>9920</div> <div>3298</div> <div>9798</div> <div></div> <div>X2</div> <div></div> <div>Sorteo # 4584</div> <div>7073</div> <div></div> <div>X2</div> <div></div> <div>Sorteo # 2640</div> <div>0980</div> <div></div> <div>Sorteo # 4584</div> <div>0603</div> <div>Piscis</div> <div></div> <div>Sorteo # 1458</div> <div>625</div> <div></div> <div>X2</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div>Joker</div> <div>Letter</div> <div>Proximo Jackpot</div> <div>260.000,-</div>	
<div></div> <div>Sorteo #</div> <div>0 x Jackpot</div> <div>0 x Match 4</div> <div>0 x Afl 8,00</div> <div>Proximo Jackpot</div> <div>62.000,-</div>		
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl 50,00</div> <div>0 x Afl.15,00</div> <div>Mega Ball</div> <div>Proximo Jackpot</div> <div>340.000,-</div>		
<div></div> <div>Afl. 500.000,-</div>		
<div></div> <div>Sorteo #</div>		

<div></div> <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com</div> <div>Resultado: Sorteo di Anochi - April 04, 2025</div>		
<div></div> <div>Sorteo # 8513</div> <div>3160</div> <div>4129</div> <div>1610</div> <div></div> <div>X2</div> <div></div> <div>Sorteo # 7557</div> <div>2259</div> <div></div> <div>X3</div> <div></div> <div>Sorteo # 2262</div> <div>9950</div> <div></div> <div>Sorteo # 6316</div> <div>6654</div> <div>Sagitario</div> <div></div> <div>Sorteo # 1246</div> <div>452</div> <div></div> <div>X2</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div>Joker</div> <div>Letter</div> <div>Proximo Jackpot</div> <div>260.000,-</div>	
<div></div> <div>Sorteo # 6789</div> <div>0 x Jackpot</div> <div>12 x Match 4</div> <div>193 x Afl 8,00</div> <div>Proximo Jackpot</div> <div>62.000,-</div>		
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl 50,00</div> <div>0 x Afl.15,00</div> <div>Mega Ball</div> <div>Proximo Jackpot</div> <div>340.000,-</div>		
<div></div> <div>Afl. 500.000,-</div>		
<div></div> <div>Sorteo #</div>		

ESNAN CU A DIVORCIA Y TA BIBANDO CU OTRO PERSONA DEN ADULTERIO Y NAN TA KERE CU NAN TA SALBA

Bo no sa, cu unabes cu bo ta casa pa Dios den e Sacramento di Matrimonio, bo ta keda casa pa Dios te na morto y Dios no ta reconoce divorcio. Awor, si bo ta un hende divorcia y bo ta biba cu otro, anto ta con bo por yama bo companjante bo esposo of bo senjora maske cu boso ta casa pa raad? Bo no tabata sa cu bo ta bibando den e pika condenabel di adulterio? Bo sa cu e pika di adulterio ta condenabel pa Dios y na tur esnan cu a muri den nan pikanan di adulterio, nan lo no drenta den e Reino di Dios y nan destino lo ta den fierno of den purgatorio. Bo mester compronde cu e di 6 Mandamento di Dios Tata ta bisa bon cla: “Lo bo no comete e pika di adulterio.” Lesa den Bijbel Mateo 5: 32, na unda Senjor Hesus ta adverti bon cla: “Ami ta bisa boso: Ken cu divorcia di su senjora, si no ta pa motibo di infidelidad, e ta pone su senjora comete adulterio. Es cu casa cu e senjora divorcia, e tambe ta comete adulterio.” Akinan nos por compronde bon, si un homber divorcia di su senjora, anto e ta provoca cu e senjora ta bay busca un otro persona pa biba cun'e den e pika di adulterio. Akinan e homber cu a divorcia di su senjora, ta keda responsabel di su senjora cu el a divorcia. Y tambe e homber ta keda responsabel di su senjora cu ta bay perdi den e pika di adulterio.

Na e dia di huicio dilanti di e tribunal di Dios Tata, e homber y e muher tin di duna cuenta di nan actonan di divorcio y di adulterio.

Les den Bijbel Marko 10: 6-9 : “Na principio di creacion, Dios a traha homber y muher, p'esey e homber lo laga su tata y su mama pa e uni cu su muher y nan dos lo bira un solo curpa. Di manera cu nan no ta dos mas, sino un solo curpa. Pues loke cu Dios a uni, no ta permiti pa hende separa.” Esaki ta e Sacramento di Matrimonio di Dios den Misa, na unda cu Dios ta uni e pareha den un solo curpa, pa medio di un sacerdote y cu dos testigo. Tambe bo por compronde, cu Dios no ta reconoce divorcio y e pareha mester keda uni te na morto, maske cu nan a divorcia pa raad.

Dia cu bo a casa den e Sacramento di Matrimonio den Misa pa Dios, bo no a huramenta pa Dios dilanti di altar, cu bo lo keda fiel den bon tempo y den tempo di adversidad, den tempo di abundancia y den tempo di pobresa, den tempo di salud y den tempo di enfermedad, den tempo di pas y den tempo di pleito y di stima otro manera bo mes y di keda fiel te na morto?

Awor mi ta puntra bo, ta na unda bo huramentonan a keda dilanti Dios? Laga nos lesa den Bijbel Mateo 5: 33, na unda cu Senjor Hesus ta bisa tocante

huramento : “Tambe boso a tende loke a ser bisa na boso antepasadonan: Lo bo no kibra huramento y lo bo cumpli loke cu bo a huramenta na Senjor.” Akinan, bo no a huramenta dilanti di Dios den Misa, di keda hunto y fiel cu bo pareha te na morto? Den Bijbel Huan 4: 5-42, akinan nos por lesa, ora cu e muher Samaritana a pidi Hesus p'e haya e awa di bida eterna, p'e no haya sed di awa nunca mas, anto Hesus a bise, bay busca bo esposo y bin cun'e cerca Mi. E muher Samaritana a bisa Hesus, mi no tin esposo, anto Hesus a bise'le, bo tabata tin 5 homber y e homber cu bo ta bibando cun'e awor, no ta bo esposo. Akinan nos por compronde cu e muher Samaritana ta bibando den e pika grandi di adulterio, pasobra ela divorcia di su prome casa, pa despues ela bay biba cu diferente homber den e pika di adulterio. Akinan tambe, Senjor Hesus ta bisa na tur esnan cu a divorcia y ta bibando den e pika di adulterio, pa nan bay busca nan senjora of nan esposo cu Dios a uni nan den e Sacramento di Matrimonio, pa e pareha cu a divorcia por ta salba di e condenacion den fiero. Bo no tabata sa, si bo muri den bo pika di adulterio, bo no por drenta den e Reino di Dios. Les den Bijbel 1 Corinthionan 6: 9 y 10: “Boso no sabi, cu e inhustonan lo no drenta den e Reino di Dios? No ganja boso mes, pasobra ni e fornicadornan, ni e adoradornan di diosnan falso, ni esnan den adulterio, ni e homosexualnan, ni e ladronnan, ni e bura-chenan, ni e blasfemadornan, ni esnan golos pa plaka, ni e abusadornan, nan tur lo no drenta den e Reino di Dios.”



Tambe den Bijbel Testament Bieuw Levitico 20: 10, na unda cu Dios Tata ta bisa: “Si un homber ta comete adulterio cu un muher casa di su prohimo, nan dos lo muri, e adul-

tero y e muher adultera.” P'esey cambia boso bida prome cu ta laat, pa boso no ser condena den e candel di fiero despues di morto. Un mensahero di Dios.

PROME DIASABRA DI LUNA 5 DI APRIL 2025 SANTO SACRIFICIO DI MISA NA KAPEL DI CAS CURASON DI MARIA Y ALTO VISTA

Ta cuminsa mainta pa 6,15, cu Santo Rosario. Pa 7 or tin Santo Sacraficio di Misa. Oracion pa necesidad di Iglesia Universal pa Papa Francisco, Administrador Jason y tur sacerdotenan. Tur cu ta carga responsabilidad pa nos pais Aruba. Paz den tur hogar, y esnan den necesidad corporal y spiritual. Pa enfermonan na cas, den hospital y tur esnan den cas di Adulto Mayor y enfermonan cu ta den exterior. Cu poder di Dios haya pronto nan recuperacion. Tur hende ta bon bini na e Ora Sagrado aki cu ta un comienso di un luna bendiciona. 13 di april ta “diadomingo di Rama” alabes ta cuminsa “Siman Santo”. Laga nos asisti na Caminda di Cruz y varios oranan di Adoracion den tur parokia. Corda cu ta nos deber pa asisti na Santo Sacraficio di Misa.

“Hesus su deseo ta pa establese devocion na Mi Curason Sufriendo. Pa tur cu ta asepta esaki, Mi ta primintinan e salvacion di nan alma y nan ta stima pa Dios manera flornan poni cu ta dorna Su trono.

Coordinador: Sr. Mario Werleman 593 7048

Cordial saludo di: Pastoor Huancho Pilongo
585 8378 Centro Pastoral Sta.Cruz

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

TIENDA DI EDUCACION: AMOR INCONDICIONAL



Tin amor propio, tin amor pa bo prohimo pero tambe tin amor pa bo yiu(nan) cu ta un amor incondicional. Luna di februari ta conoci pa ta e luna di amor y amistad. Como mayor tur dia ta un dia di duna amor pa sea e baby e mucha of e adolescente. No solamente cu palabra, pero tambe cu hecho nos por demostra cu di berdad nos ta stima nan. Ta importante pa ora di muestra nan e amor cu nos tin pa nan pa busca e contacto visual pa asina confirma y fortifica e palabranan di stimacion.

Amor incondicional
Kico nicifa amor incondicional realmente? Amor incondicional significa un amor caminda no ta conoce limite of no tin condicion mara na esaki. E por wordo yama tambe amor cu compassion of wordo asocia cu amor completo. Pensa ariba e amor cu bo mayor(nan) kisas tabata of tin pa bo y naturalmente e amor cu abo mes como mayor tin pa e yiu(nan).

Como mayor ta importante pa duna amor na e yiunan pero esaki no significa cu lo laga e yiu(nan) haci locual cu nan kier. Pues mester pone regla y limitacion cerca e yiu(nan) pa nan mesun proteccion. Esaki tambe ta parti di amor y lo mester wordo practica di un edad jong of for di baby caba.

Kisas ta dificil pa bisa e mucha un no of cu no por. Pero nan tin cu siña deal cu esaki. Ta importante pa duna e yiu(nan) na un momento asina un splicacion pakico. Tambe si tin posibilidad pa duna un of mas alternativa of opcion ariba locual no ta posibel.

Papia tocante amor y intimidad

Ta importante cu mayor comunica y papia tocante di amor for un edad hoben cu e yiu(nan). Pregunta(nan) lo surgi for di e mucha(nan) tocante e topico y lo yega un dia cu e mucha of hoben lo tin tambe sentimento di amor y intimidad. Esaki pa hopi mayor kisas ta un topico dificil pa papia cu e yiu(nan). Si mayor tin dificultad pa papia tocante intimidad y sexualidad semper por acudi of comunica cu Tienda di Educacion.

Nos ta bibando den un era caminda cu informacion ta tur caminda, e cuestion ta si acaso e informacion ta esun corecto. Vooral ora ta trata mucha of hoben ta importante pa nan sa cu no tur informacion ariba internet ta cuadra cu e realidad. Ta bon pa busca e fuente di unda e informacion ta bin. Tin organisacion grandi internacional cu por ehempel tin otro metanan di existencia y no tur ora ta cuadra cu e meta di duna of informa e comunidad, kisas pa por

bende un servicio of producto.

Tienda di Educacion
Mayor bo no ta para pa e retonan aki boso. Ta tareanan cu por muestra dificil pero Tienda di Educacion t'ey na disponibilidad di comunidad di Aruba pa duna abo e sosten y guia gratis. Por contact Tienda di Educacion na 161 cu ta disponibel di dialuna pa diabierna di 8 am pa 6 pm non-stop.

Tambe por like nan Facebook page keda informa y tambe comunica di nan servicionan.

Tienda di Educacion ta situa den edificio di Centro pa Hoben y Famia na Sabana Blanco 68-C y ta na servicio di henter comunidad. Nos muchanan ta nos futuro. Ban crea un futuro caminda cuida propio ta wordo practica constantemente.



SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			

FORTALEZA PA FAMILIA

Scirbi Pa Pastor Marcel Balootje.

NOS TUR MESTER TA IMITADOR DI CRISTO HESUS



Pesey, sea imitador di Dios,manera yuinan stima, y cana den amor, mescos cu Cristo tambe a stima boso,y a entrega Su mes pa nos, un ofrenda,y un sacrificio na Dios como un holor dushi.(Efesonan 5:1-2).

Pesey ami, prisionero di Senjor,ta roga boso,pa cana di un manera digno di e yamada,cu cual boso a wordo yama. Cu tur humildad Y suavidad,Cu pasenshi, soportando un y otro den amor. Siendo diligente, pa preserva e unidad di Spirito den e vinculo di pas.(Efesonan 4 :1-2-3).

Laga tin den boso e actitud aki , cu tabatin tambe den Cristo Hesus. Kende aunke E tabata existi den forma di Dios, no a considera igualdad cu Dios, pa tene na dje. Ma a bandona Su mes gloria y a tuma , forma di un sirbido siendo traha den e semehansa di hende.(Filipensenan 2:5-6-7).

Hopi biaha nos ta tende tocante di un role model

, un hende cual nos por imita, y haci manera e ta haci , pa cosnan bay bon cu nos, pasobra e a haci tal manera y cosnan a bay bon cune.

Hopi biaha nos ta imita un persona su forma di bisti, su actitud, su manera di papia, hasta mayornan ta bisa nan yiu pa nan wak riba tal hende y haci manera e a haci.

Nos kier imita artista di cine, tin kier imita politico, tin kier hiba un bida manera un otro a biba, sin tene cuenta kico por tin scondi den su bida.

Ta hopi forma di imitacion y copia tin awendia, pero ningun di nan tin e humildad den nan bida manera Cristo Hesus.

Imitacion di Cristo Hesus ta nifica hiba un bida di obediencia, Evita di tur manera pa dreña den caminda scur, Evita di papia palabra malo, Evita di envidia, Evita di pleita,

Evita di busca algo cu ta hiba na discucion y pleito, sea humilde, tene amistad cu tur hende, no

rechasa ningun hende, pero alcontrario sea un bendicion pa nan tur.

E momento cu diabel a tende cu Cristo Hesus a resucita, e a hanja dolor di cabes te awe, pasobra e a pensa cu ora bo dal e cabes , henter e curpa ta cay y no ta lanta mas. Pero Su Tata cu ta den cielo a lant'E cu mas poder y autoridad, y pa demostra Su grandesa E Tata a pone sinta na Su man drechi.

Y awor tur rudia mester dobla y tur lenga confesa cu Cristo Hesus ta Senjor pa gloria di Dios Tata.

Ma esun cu warda Su palabra, den dje e amor di Dios a wordo perfeciona, berdaderamente. Pa medio di esaki nos sa cu nos ta den dj'E. Esun cu bisa cu e ta permanece den dj'E mester cana manera cu E a cana.(1

Juan 2 :5-6).

Laga nos habri nos wowo y nos bida y no bisa cada rato Senjor , Senjor y no ta haci locual Senjor ta bisa, pasobra nos mester bira hacidor di e palabra y no solamente scuchador, so, ta den hacimento tin crecemento, pasobra Senjor ta aproba obediencia.

Den e actitud di Cristo, nos mester enfatisa, cu nos mester stima nos prohimos manera nos mes, no ganja otro. no usa otro su pasado pa keto bay purba di mustra cu nos ta bon y e otro si ta malo, pone malisia un banda, corre leu for di amargura, stop di venga otro, sinja pordona mas lihe cu ta posibel, y biba na pas cu otro.

Imitacion di Cristo Hesus mester ta visibel den nos bida.

Oracion di dia

Un feliz comienso di weekend colma cu hopi amor y bendicion di Dios.

Stima Señor, bo Dios, di henter bo curason, cu henter bo alma, cu henter bo mente, y cu tur bo forsa. E di dos mandamento mes importante: "Stima bo prohimos manera cu bo ta stima bo mes. No tin ningun otro mandamento cu ta mas importante cu esakinan." (Marco

12,
30-31)

Dios a crea bo segun su imagen, a duna bo e mesun capacidad pa stima, a supla den bo e mesun rosea di amor. Si bo ta cristian, bo tin cu tuma e antorcha di amor for di Cristo, charge cendi durante henter bo bida, y pase despues na bo yiu, na bo amigonan y coleganan. E antorcha di amor aki tin cu pasa di man pa man, tin cu cende cas pa cas, ilumina curason pa curason y mente pa mente. Scuridad tin miedo di e antorcha di amor aki. Unda e antorcha aki ta cendi scuridad ta dirti bira nada, manera pida ijs. T'esaki ta amor: no ta nos a stima Dios prome, sino t'E a stima nos y a manda su Yiu pa E bira sacrificio pa pordon di nos picanan. (1Huan 4,10) Solamente ora bo ta descubri e tesoro cu ta den bo paden cu yama amor y solamente ora bo ta entrego na otro, lo bo ta feliz.

Oracion: Señor guia mi y proteha mi den Bo cosnan di haci di tur dia. Pa bo Amor ta semper hunto cu mi. Bo promesa ta real! No obstante ki tribulacion mi haya mi aden, mi sa cu Dios no ta laga mi bandona, den nomber di Hesus di Nazaret. Amen.